



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Johannis Michaelis Dilherri Contemplationes, Et Suspiria Hominis Christiani**

**Dilherr, Johann Michael**

**Norimbergae, 1660**

XXXVII. De ingenti multitudine beneficiorum Dei, & multitudine  
peccatorum hominis, ea spernentis.

**urn:nbn:de:hbz:466:1-10209**

294 CONTEMPLATIONES  
CONTEMPLATIO.  
NUM ET SUSPIRIO-  
RUM HOMINIS  
CHRISTIANI

XXXVII.

*De ingenti multitudine Dei  
beneficiorum, & hominis ea  
spernentis multitudine pec-  
catorum.*

**Q**uis dabit capiti meo aquam, &  
oculis meis fontem lacrymarum?  
& plorabo die & nocte. Deducant o-  
culi mei lacrymas, & palpebrae meae  
defluant aquis. Conferam me in lo-  
cum fletuum: laborabo in gemitu  
meo; lavabo per singulas noctes le-  
ctum meum; lacrymis meis stratum  
meum rigabo. Erunt mihi lacrymae  
meae panes mei die ac nocte: & gemi-  
tum meum non abscondam. Proster-  
nam me, & dimittam habenas lacry-  
mis: & prorumpent flumina oculo-  
rum meorum: flebo amarissimam con-  
tritionem cordis mei. Plorans plorabo:  
& la-



& lacrymæ meæ erunt in maxillis meis,  
 quibus peccata mea deplorabo gravis-  
 sima; & impiam ingratitude[m], quam  
 Deo & Domino meo reposui, dete-  
 stabor.

Ah! utinam deficerent præ lacry-  
 mis oculi mei; viscera mea conturba-  
 rentur; & secur meum in terra effun-  
 deretur, super enormitates meas!

Multæ & graves sunt causæ, ô Do-  
 mine! propter quas oculi mei aquas,  
 imò sanguinem, stillare deberent. Ni-  
 hil autem jam contemplanus; nisi ma-  
 gnitudinem & multitudinem benefi-  
 ciorum tuorum, quibus me, adhuc ini-  
 micum tuum, affecisti.

Ut igitur anima mea confundatur,  
 genæ meæ erubescant, oculi conci-  
 dant occlusi, egoque malitiosam &  
 contaminatissimam vitam meam odio  
 prosequar æterno: incipiam percen-  
 sere tua benefacta, & mea malefacta:  
 ut videam, quis tu sis? quis ego sim?  
 quid tu mihi præstiteris? quid ego tibi  
 reddiderim?

Demitte de cœlo Spiritum tuum



## 296 CONTEMPLATIONES

ctum, veritatis doctorem: & operare  
in immiti duroq; corde meo intimam  
& Divinam pœnitentiam, cujus mei  
nunquam pœniteat.

Jam, ô Divini amor Numinis! Pa-  
tris omnipotentis Prolisqve beatissi-  
mæ sancta communicatio! omni-  
pens Paraclete, Spiritus! cordis mei pe-  
netralibus potenti illabere virtute, &  
tenebrosa quæq; latibula, corusci lu-  
minis fulgore, habitator irradia.

Veni jam, veni benignissime do-  
lentis animæ consolator! protector  
in opportunitatibus, & in tribulatione  
adjutor.

Veni mundator scelerum! curator  
vulnerum!

Veni fortitudo fragilium! releva-  
tor labentium.

Veni humilium doctor! superbo-  
rum destructor!

Veni! ô orphanorum pie pater!  
viduarum dulcis judex.

Veni spes pauperum! refocillator  
deficientium.

Veni navigantium sidus! naufragii  
por-



portus! Veni omnium viventium singularare decus! morientium unica salus! Veni, sanctissime Spiritus! Veni & miserere mei.

Apta me tibi, & condescende propitiùs mihi: ut mea tuæ magnitudinì exiguitas, roboriqve tuo mea imbecillitas, secundùm multitudinem tuarum complaceat miserationum.

Tempus fuit, Deus meus! quo ego non fui, quodqve recordari non possum; & tu, ut essem, me fecisti: formasti me ex terræ gleba; & ad tuam me imaginem & similitudinem creasti.

Eduxisti me ex utero matris meæ; spes mea fuisti ab uberibus matris meæ: in te projectus sum ex utero. Ab eo enim tempore, quo primum vitales hausi auras, & hanc mundi tabernam intravi, animaq; corporeum incessit tabernaculum, pater meus es; redemptor meus es; protector meus es; salvator meus es; auxiliator meus es.

Creasti corpus meum, & omnia corporis membra; dedisti animam mihi, & omnes animæ virtutes; & con-



298 CONTEMPLATIONES  
servâsti in hanc usque horam vitam  
meam benignissimè.

Addidisti aliud beneficium, quod  
longè est cæteris pretiosius: ut arctius  
me tibi devincires. Descendisti, ô  
Deus meus! de cælo: & ut me inve-  
nires, ubiqve me perditum quæсивisti.  
Incarnatione tuâ infirmam & miseram  
meam carnem, ex ignominia & abje-  
ctione, in quam Diaboli seductilibus  
suggestionibus inciderat, eruisti: san-  
ctissimâ nativitate tuâ, nativitatem  
meam peccaminosam sanctificâsti.

Captivitate & vinculis tuis, ex vin-  
culis concatenatorum peccatorum  
meorum, me exsolvist.

Dum in manus peccatorum te tra-  
didisti; ex peccati me potestate eripu-  
isti; in forma carnis peccatricis, vitam  
meam sceleratam, quippe opus Sata-  
næ, abolevist.

Ingenti isthac misericordiâ arctis-  
simè me tibi obligâsti: beneficiis istis  
ad te allexisti: grandibus istis meritis,  
spem confirmâsti & stabilivisti. Exci-  
tare in me voluisti odium & detesta-  
tionem



tionem peccatorum: quia tot ac tanta laborasti, & sustinuiſti; ut cœleſti me Patri tuo reconciliares, regnumque peccati everteres.

Ita carbones candentes congregaſti ſuper caput meum; quibus accenderes cor meum: ut, obrutus quaſi miſericordiæ operibus, quæ in redemptione hactua includuntur, cum toto corde diligerem, qui totus me dilexit, & ſe totum mihi impertivit.

Redemiſti me, Domine, Deus meus! cui autem bono, niſi me baptizari permiſiſſes?

In tanta igitur multitudine hominum infidelium, ut ex fidelibus prognascerer parentibus, voluiſti: &, præ omnibus incredulis, Ethnicis, Turcis, Judæis ita me beaſti; ut per lavacrum in verbo, & juxta verbum tuum, renascerer, & Chriſtum meum, cum omnibus beneficiis ſuis, induerem.

Ibi adoptaſti me in filium, & hæredem me conſtituiſti: ibi fœdus initum inter nos illud mirabile; ut ego tuus eſſem, & tu meus eſſes: ut tu meus



300 CONTEMPLATIONES  
esfes Dominus ; & ego tuus essem ser-  
vus : ut tu meus esfes Pater ; & ego  
tuus essem filius. Ibi ita inter nos con-  
stitutum est : ut tu paternum mihi ani-  
mum declarares ; & ego filiali te ob-  
servantiâ audirem.

Ecquid sacramentum commemo-  
rem aliud ? quod constituisti ; ut salu-  
tare esfet peccatorum pharmacum ;  
quæ, ceu infelicia & pestifera mea vul-  
nera, per sanguinem tuum, sanares, &  
subindè me magis magisq; perficeres.

Etiamsi autem tot abs te accipi be-  
neficia, tot in promptu habui contra  
peccatum antidota : in obedientia ta-  
men non perseveravi ; sed fœdus illud  
sæpè violavi : & tamen tam fuisti mise-  
ricors, tam clemens ; Deus ! ut meam  
inobedientiam sustineres.

O salus & spes mea ! Deus ! quo-  
modo misericordiam & clementiam  
tuam absq; lacrymis commemorem ?

Quoties me, utpote justus iudex,  
occidere & annihilare debuisses ? &  
nihil horum mihi evenit. Quot millia  
animarum jam in infernum sunt de-  
trusa,



trusa, æternis flammis & suppliciis affi-  
cienda? quæ peccatorum meorum nu-  
merum & gravitatem non attigerunt;  
& ego nondum concremor! Quid de  
me factum fuisset; si unà cum ipsis me  
excidisses?

Quàm horrendū, mihi esset iudicium  
pertimescendum; si immutabilis & se-  
vera iustitia tua, secundum foeditatem  
iniquitatum mearū, me plectere volu-  
isset? Qvis tibi, Deus meus! manus il-  
las tuas ligavit? Qvis fuit interces-  
sor meus? cū somnum ego peccato-  
rum securissimè dormirem. Qvis fla-  
gellum iræ tuæ continuit? cū de die  
in diem te provocarem, & impelle-  
rem?

Quid placuit tibi in me? quid tam  
acceptum tibi in me fuit? ut parceres  
mihi: cū extirpares alios; quos, in  
cœno peccatorum sese volutantes, in  
medio dierum suorum, ad tribunal  
tuum justissimum propellebas.

Clamabant peccata mea in cœlum;  
& tu aures tuas obturabas: malitia mea  
quotidiè multiplicabatur; & tua simul



302 CONTEMPLATIONES  
multiplicabatur misericordia. Pecca-  
bam ego; & tu me expectabas: fu-  
giebam te; & tu appropinquabas ad  
me: toties te ad iram provocabam, ut  
provocando defatigarer; & tu mise-  
rendo non defatigaberis: quasi mea  
tibi transgressiones placerent; quæ  
abominabilis erant in te ingratitude.

In pleno transgressionum mearum  
curriculo, multas mihi bonasque sug-  
gestisti cogitationes, ac utiles submi-  
nistrasti admonitiones; quibus à trans-  
gressionibus me abduceres.

Quoties, stans ante ostium cordis  
mei, pullasti, & clamasti? *reverte-  
re, revertere, fili degener!*  
*nec dirigam contra te faciem*  
*meam; modò agnoscas pec-*  
*cata, quibus offendisti Deum*  
*tuum.* Quoties, voce hac amabilis-  
simâ, ad te me vocasti? quoties me co-  
hortatus es, magno timore, minis ter-  
ribilissimis, expectatione quotidiani,  
imò



imò perpetui, mortis & iudicii immiseri-  
cordis, periculi?

Quot largitus mihi es concionato-  
res? quot doctores mihi constituisti?  
qui partim doctrinâ, partim exemplo  
viam mihi, quam ingrederer, osten-  
derent?

Allexisti blandissimis me compel-  
lationibus; castigasti morbis me peri-  
culosis; & calamitatibus aliis: neque  
quicquam intermisisti eorum, quibus  
ab aviis in viam reduci possem.

Quid retribuam tibi, Domine! pro  
omnibus, quæ tribuisti mihi?

Quia creâsti me; me, & omnia, quæ  
posideo, tibi debeo: me enim, &  
omnia, quæ posideo, fecisti.

Quia conservâsti me: denuò me, &  
mea omnia, tibi debeo.

Ipsam te insuper, Domine! in ma-  
gnam mihi & copiosam mercedem de-  
disti: quid reddere tibi ego possum?

Si omnes Angelorum omnium vi-  
tæ, si omnes hominum omnium ani-  
mæ, in mea essent manu, egoque eas  
tibi offerre constituerem: sum unica  
fangvi-



304 CONTEMPLATIONES  
sanguinis, pro me effusi, gutta in com-  
parationem venire haudquaquam pos-  
sent.

Queror igitur meritisimo meo, &  
ingemisco : quis dabit capiti meo a-  
quam, & oculis meis fontem lacryma-  
rum? & plorabo die & nocte: & de-  
plorabo abominandam ingrati-  
tatem meam; quâ ego, Creator opti-  
me! creatura tua, tot & tanta, tamque  
incomprehensibilia beneficia sum  
profecutus.

Juva me, Deus meus! tuam mihi  
gratiam imperti: ut prævaricationes  
meas tibi contritione intimâ cõfitear.

Ah! Domine: creatura ego sum  
tua, etsi jam infelicissima, & te Crea-  
tore indigna. Secundum imaginem &  
similitudinem tuam creâsti me: respice  
me, Domine! Aufer à me, quicquid  
ego invexi: & nihil invenies, nisi quod  
bonum, quodque ipsemet concessi-  
sti, bonitatis omnis architectus o-  
ptimus.

Omnibus cheu! viribus sanctæ vo-  
luntati tuæ restiti; & multum laboravi,  
ut



ut tibi repugnarem : eheu ! quantam  
in me iram securè concitavi !

Festinarunt pedes mei ad mala : pa-  
rârunt se manus meæ ad damna , ad  
avaritiam , ad quasvis impuritates :  
converterunt se oculi mei ad vanita-  
tem : audiverunt aures meæ mendacia,  
scurriles confabulationes , calumnias,  
convicia.

Anima ipsa nobilissima, & cœlesti-  
bus tuis ministris vicina, quæ te con-  
templari, te intueri, te videre debuis-  
set, avertit se à pulcritudine tua ines-  
fabili; & ad blandientem fallentemq;  
mundi pulcritudinem se convertit, &  
id egit sollicitè : ut hujus mundi bo-  
nis fragilibus ad libidines abuteretur :  
quod quàm grave & noxium sibi esset,  
non ignorabat.

Ecce hic est intellectus animæ meæ!  
quid boni ex voluntate proveniat?

Inclinâsti, Domine! arbitrium me-  
um ad bona cœlestia : sed declinavit  
ad terrestria; & amor caduco totum  
se mancipavit.

Hæc est, Domine, gratia illa, quam,  
pro



306 CONTEMPLATIONES  
pro donis tuis pretiosissimis, tibi re-  
posui.

Quid respondebo tibi, ah! Domi-  
ne! si ad tribunal me tuum voces, di-  
casque: plantaveram ego te vitem ge-  
nerosam, totum semen fidele: quo-  
modo ergo mutatus es mihi in dege-  
neres palmites vitis alienæ?

Quòd si tam turpiter ego sto in  
examine beneficii creationis: quid fu-  
turum; si ratio mihi sit reddenda be-  
neficii conservationis?

Conservâsti enim eum tot dies, tot  
menses, tot annos: qui omnes sensus  
suos contemptui & despectui mandato-  
rum tuorum dicavit; qui servos tuos  
est persecutus; qui sanctorum tuo-  
rum communionem scandalizavit;  
qui regnum peccatorum stabilivit &  
ampliavit.

Servâsti linguam; quæ te blasphemavit,  
& nomen tuum assumsit in va-  
num: servâsti membra; quæ vehemen-  
tissimè te offenderunt: dedisti cibum  
potumque illi, qui abusus iis, ad tui i-  
gnominiam.

Non



Non ingratus solùm fui; sed beneficiis etiam tuis me contra te armavi.

Omnes mihi creâsti creaturas, quæ commodis meis inservirent, meq; ad amorem tui attraherent; ego creaturas adhibui in odium tui inexcusabile.

Quæ ad pulcerrimam sapientiam tuam considerandam me adducere debuissent, me occæcarunt: nec oculos sustulerunt meos, sed depresserunt: ne colligerem, quantum creator tot creaturas formosas & decoras superaret. Creavit enim eas omnis formositatis, omnis decoris artificiosissimus magister.

Omnia mihi tradidisti; ut me tibi traderem, & consecrarem: omnia mihi servire voluisti; ut ego tibi servirem: qui toties de te ne cogitavi quidem.

Adstiterunt tuæ mihi, mandatu tuo, creaturæ ad nutum: ego, ah! mandata tua audacter renui.

Sanitatem mihi corporis concessisti: usum ego ejus concessi Diabolo.

Robur mihi, intellectum, & voluntatem



308 CONTEMPLATIONES  
tatem integram dedisti: dedi ego ea  
ministerio iniquitatis.

Et quid dicam? Quot vidi aliorum  
pericula atque damna; tot tua in me  
vidi beneficia; quia periculis atque  
damnis istis me obruere noluisti.

Si, quæ merebar, immittere mihi  
voluisses; digniorem me, quam alios,  
tot miseriis invenisses: sed misericor-  
dia tua est, Domine! quòd non con-  
sumtus sum.

Bestiæ beneficiis domantur, cicu-  
rantur, & ad ministeria ac obsequia  
hominum advesiunt: & tua me bene-  
ficia non domuerunt, non permove-  
runt; ut dicerem in corde meo: me-  
tuamus Dominum Deum nostrum;  
qui dat nobis pluviam tempestivam, &  
ferotinam, in tempore suo, plenitudi-  
nem annuæ messis custodiens nobis:  
qui omnibus nos ditat benedictioni-  
bus; qui à primo nos ortu servat ad ul-  
timum usque vitæ halitum.

Nonne hæc oculis animoque meo  
gratiam & misericordiam tuam pro-  
ponere debuissent?

Si



Si autem tibi tantoperè sum ob-  
strictus, propter ea beneficia, quæ  
unius vi verbuli produxisti: quid tibi  
debebo, quòd pretiosissimo unigeniti  
Filii tui sanguine, à morte æterna & à  
damnatione, me redemisti?

Ah! quantum consilium tuum sa-  
pientissimum neglexi! quantum ado-  
randam illam tuam, O Jesu! incarna-  
tionem fui aspernatus?

Tu, Deus meus! homo factus es;  
ut Divinæ me naturæ faceres partici-  
pem: & ego perversissimus in bestiam  
sum commutatus; instrumentum sum  
factus Diabolorum.

Ex gloriosissimo Patris cœlestis so-  
lio, ad me in solum descendisti: & ego  
ad te me non elevavi, nec ascendere  
tecum volui; sed profundius, operibus  
carnis, in terram me defixi, & in cœ-  
num scedissimarum iniquitatum me  
depressi: in quibus me diu volutavi.

A potestate Diaboli me redemisti:  
& ego sponte meâ laqueis me diabo-  
licis irretivi.

Unum es corpus mecum factus: &  
ego



310 CONTEMPLATIONES  
ego peccatis me voluntariis abs te  
avulsi; & corpori malignantium me  
adglutinavi.

Tot me magnalia impellere non  
potuerunt; ut te agnoscerem: tot  
amoris tui testimonia saxum cordis  
mei emollire non potuerunt; ut te red-  
amarem: tantum tuum meritum eri-  
gere me non potuit; ut omnem in te  
spem collocarem.

Accuratissima illa tua justitia, quæ  
multis modis, ex opere redemptionis,  
elucet, tenere me non potuit: ut per-  
penderem plagas & pœnas, quibus,  
pro me, Filium dilectissimum cumula-  
bas; & exclamarem: *si in viridi  
ligno hæc faciunt; in arido  
quid fiet?*

Tot cruciatus & tormenta persua-  
dere mihi non potuerunt; ut in me de-  
scenderem, & pensitarem: quo pecca-  
tum odio prosequaris: propter quod  
ipsum Filium tuum affligi crudelissi-  
mè, permisisti.

Expa-



Expavescere utiq; super his debuif-  
sem, & revereri nomen tuum.

Ita te, JESU meus! humiliasti; ut,  
qui considerat, admiretur, & pavidus  
te intueatur: ego autem superbivi; &  
hoc quoque tempore aliis me, eheu!  
sape præfero.

Nudus in ligno pendebas: ego au-  
tem non contentus vestitu eo, qui ad  
regendum necessarius, luxum & super-  
fluitates quæsi: & mollissimè corpus  
habui lutosum & damnosum.

Sitim tolerabas intolerabilem, in  
plagis & angustiis extremis; ac fel-  
mixtum aceto accipiebas: ego autem  
meris me saginare volui cupediis, quasi  
ad mactationem: crapulâ & ingurgi-  
tationibus me oneravi, & ad libidines  
animavi.

Ferebas omnia, quæcunque tuus ti-  
bi Pater imponebat; nec ferre desi-  
nebas, antequam verè posses dicere;  
*consummatum est*: ego autem,  
pro te, pauxilla ferre, molestum mihi  
duco & tædiosum.

Cola-



Colaphos tu, qui benedictus es Dei Filius, ab impiis sustinuisti: ego vel digitulo tactus, vel verbulo læsus, in iram exardesco, & acerbissimè indignor: cum vermibus sim, nec hominis dignus nomine; & turpissimis meis flagitiis non ignominiam tantum abjectissimam, sed inferorum etiam poenas & ludibria commerear.

Et quid de vita mea pessima dicam ulterius? mori voluisti; ut ego, mortuus peccato, viverem iustitiæ: ego autem, nixus hac tuâ misericordiâ, videns volensque in peccata irruerem. Quâ deteriore te ignominiam potuissem afficere?

Misericordiam tuam feci ansam mearum impuritatium: & tam pretiosæ redemptionis medium, quod peccata cuiusvis inuisa reddere debuisset, ad peccatorum confirmationem, & continuationem, adhibui.

Quia tam clemens eras & misericors; peccata mihi esse licita, putabam: & cum tot mihi dona exhiberes; infamibus ea factis sum remuneratus:  
adeò



adeò ut peccatorum remedium in peccati medium converterem, & gladium, quem ad repellendos Diaboli iectus mihi suggessisti, in me ipsum stringerem, meq; penè eo perderem.

Unicus es, Domine! qui pro nobis omnibus es mortuus: ut, qui vivunt, non vivant sibi; sed illi, qui pro nobis mortuus est & resuscitatus: ego autem hæc omnia invertens, mihi vixi, & cupiditatibus meis: quasi eum in finem mortuus eses, ut, animum meum explens, in desideriis carnis viverem, &, gratiâ tuâ abusus, malorum telam pertexerem.

Ah! quanta est patientia tua, Domine! quòd colaphos pro me sustines! quantò verò major est patientia tua, quâ tot sustines in mundo peccatores; qui meris te colaphis cooperiunt!

Perpetuâne verò hæc tua erit patientia?

Memini, quid impœnitentibus miniteris. Video, quòd terra, quæ, pluviis irrigata, fructû non producit, maledictione punitur: video, quòd vinea,

O

probè



314 CONTEMPLATIONES  
probè quidem culta, sed tamen infru-  
gifera, devastatur & conculcatur.

O durum! ô ferreum cor! ô inuti-  
le & aridum lignum! nonne contre-  
miscis, si vocem audis Dei omnipo-  
tentis: omnem palmitem, non feren-  
tem fructum, tollet Pater meus! si quis  
in me non manserit, mittetur foras,  
sicut palmes: & arefcet; & colligent  
eum, & in ignem mittent; & ardebit.

¶ Quis tam securo homini, qui tam  
horribile iudicium non exhorrescit,  
metum injiciet? quàm surdus est & ve-  
cors, qui non audit vocem hanc! quan-  
to veterno hic immerfus? quanto le-  
thargo sepultus? qui non hoc excita-  
tur tonitru.

Ah! Domine! delectavit me ha-  
ctenus terrestre hoc tabernaculum:  
inter spinas & tribulos ambulavi, qui  
semen verbi tui in me suffocârunt; ut  
nulla in me cognoscendæ voluntatis  
tuæ fuerit cupiditas. Cupiditates meæ  
me seduxerunt; desideria mea me cir-  
cumagitârunt; cogitationes meæ me  
disturbârunt; vermis conscientia meæ  
me



me admordit: & hæc omnia reputavi  
pro securis deliciis, turbasque pacem  
æstimavi.

Quid faciam, Deus meus? quid fa-  
ciam? fateri cogor: dignum me non  
esse, qui ad faciem tuam adpaream.

Erubesco, præ injustitia mea, meos  
ad te oculos elevare: non audeo eos  
attollere; ut quæram gratiam & beni-  
gnissimam faciem tuam. Si debitâ me  
vis poenâ afficere: nec cœlum, nec ter-  
ra me contegent. At nec vis, Domi-  
ne! Deus meus! ut quisquam pereat;  
sed ut omnes convertantur & vivant.

Creâsti me ad laudem tuam: quis  
verò Te apud inferos, qui te blasphe-  
mant, laudabit? Tantum pro me ly-  
tron solvisti! si autem in afflictissimis  
hisce angustiis me rejicias, quis re-  
cipiet?

Si me tanto pretio redemptam crea-  
turam tuam repudies, quis juvabit?

Ah! utiqve es Pater meus, Pater il-  
lius misericordiæ, quæ est immensura-  
bilis, quæ est infinita.

Et quamvis inobedientiâ meâ jus



316 CONTEMPLATIONES  
hæreditatis amiserim : non tamen, ô  
Pater meus ! cor tuum paternum ami-  
fisti : quamvis abs te, Pater ! defece-  
rim ; non tamen tu, Pater ! deficies, aut  
Pater esse desines. Non desit verbum  
illud : *vivo ego ! nolo mortem  
peccatoris : sed ut conver-  
tatur, & vivat.*

Et quamvis innumerabilia sint pec-  
cata, & vulnus meum videatur insana-  
bile : non tamen tu nescis modum,  
quo mihi medearis.

Confirma igitur, & imple promissa  
tua : sanguine Filii tui me lava effica-  
citer : ne in casum, quoad me, sit  
mortuus.

Tàm ego sum de carne ejus, & ipse  
de carne mea ; quàm Petrus, quàm Da-  
vid, quàm Paulus : tàm meus est Im-  
manuel ; quàm aliorum.

Portavit totius mundi peccatum :  
portavit ergò & meum.

Respice ergò, ah ! respice Domi-  
ne ! ovem hanc perditam : respice crea-  
crea-



creaturam tuam: nec in furore tuo argue, quem manustua plasmaverunt.

Suscipe, Jesu Christe! animam, quam redemisti.

Adrepo quidem ad te plurimis fauciatu vulneribus: sed tu, Medicus animarum, & Magister infirmorum experientissimus, sanare ea potes omnia.

Venio occæcatus; tu me potes illuminare: venio mortuus; tu potes vivificare: venio leprosus; tu potes purificare.

Asperge me hysopo; & mundaabor: lava me; & super nivem dealabor.

O Deus meus! Deus vitæ meæ! misericordia tua major est peccatis meis; clementia tua excedit omnes iniquitates meas.

Plus potes, Domine! remittere; quàm ego peccare: misericordia enim tua fundo & numero caret: mea autem peccata, quotquot sint, quanta quanta sint, fundum habent & numerum.

Eripe ergò me, & libera me.

Remitte mihi magnam meam in-

O 3

justi-



318 CONTEMPLATIONES  
justitiam : aufer cor durum & saxeu-  
um; & crea in me cor molle & mun-  
dum: ut, adhuc in hac vita, tibi agam  
gratias, alios peccatores fide & vitâ  
meâ ad te adducam; &, cum Angelis  
tuis, pro hoc & aliis beneficiis innume-  
rabilibus, te celebrem, & glorificem  
in æternum. Amen, Deus meus! fiat,  
Jesu Christe! Domine meus! fiat!

CONTEMPLATIO-  
NUM ET SUSPIRIO-  
RUM HOMINIS  
CHRISTIANI  
XXXVIII.

*De Peccatorum magnitudi-  
ne ac fœditate; & de eorum-  
dem confessione.*

**H**orroreo temeritatem meam:  
cùm mecum reputo, quàm Ma-  
jestatem meis peccatis offenderim:  
cùm considero; quàm benignum ac  
mirificum Patrem reliquerim! Dete-  
stor ingratitude meâ: cùm anim-  
adverto, à quàm beata libertate Spi-  
ritus,